

SKUPŠTINA KANTONA SARAJEVO  
KLUB POSLANIKA SDA  
Mirza Čelik,

Sarajevo, 27.06.2016.

Ministarstvo privrede

**PREDMET: Inicijativa za hitne izmjene i dopune Pravilnika o posebnim uslovima ostvarivanja prava na novčani podsticaj („Službene novine KS“ br:21/13, 39/14)**

Ovim putem iniciram hitno pristupanje izmjenama i dopunama Pravilnika o posebnim uslovima ostvarivanja prava na novčani podsticaj („Službene novine KS“ br:21/13, 39/14) = čije je donošenje u Vašoj nadležnosti, kako slijedi:

U članu 5. stav (1) tačka c. Pravilnika, iza riječi „za prethodnu godinu“ dodati riječi „ili dostavi dokaz o reprogramu duga sa Poreznom upravom ne stariji od tri mjeseca“, te iza riječi „ne starijim od šest mjeseci“ dodati „ili dostavi dokaz o reprogramu duga sa Poreznom upravom ne stariji od 30 dana“.

Obrazloženje:

Predložena izmjena predstavlja rješenje koje je u interesu poljoprivrednih proizvođača u Kantonu Sarajevo, među kojima je i KJP „Poljoprivredno dobro Butmir“ d.o.o. Sarajevo-Iliđa koji upravo zbog neredovne dinamike isplate podsticaja na kantonalnom i federalnom nivou trpe štetne posljedice, među kojima je nažalost i neredovna uplata doprinosa i ostalih poreza na plaću.

Naime, članom 19. Zakona o novčanim podsticajima u poljoprivredi na području Kantona Sarajevo („Službene novine KS“ br:11/12 i 15/13) definisano je da „Kandidat (pravno ili fizičko lice koji želi ostvariti pravo na novčane podsticaje dužan je dostaviti dokaz o izmirenju poreznih obaveza“, dok je članom 5. stav (1) tačka c. važećeg Pravilnika o posebnim uslovima ostvarivanja prava na novčani podsticaj (u daljem tekstu: Pravilnik) propisano da ispunjavanje ovog posebnog uslova kandidat dokazuje na način da „pravno i registrovano fizičko lice Potvrdom o izmirenim poreskim obavezama za prethodnu godinu, a novoregistrovano pravno i fizičko lice, Potvrdom sa stanjem izmirenih poreskih obaveza na starijim od tri mjeseca“.

Neusklađenost citirane zakonske odredbe i odredbe Pravilnika znači da bi se prema tumačenju zakonske odredbe kod provjere ispunjavanja ovog posebnog uslova kod ostvarivanja prava na novčani podsticaj mogla uzeti u obzir i potvrda da je kandidat u reprogramu duga sa Poreznom upravom koja predstavlja dokaz kontinuiteta izmirenja porezne obaveze, dok prema predmetnim odredbama Pravilnika takav dokaz bi se mogao smatrati nevalidnim.

Istovremeno, federalnim Programom podsticaja za poljoprivredu za 2016. godinu, pod tačkom I Poglavlja II, je jasno definisano da pravo na podršku ostvaruje kljent koji je između ostalog: „izmire obaveze kod nadležne Porezne uprave FBiH i Uprave za indirektno oporezivanje BiH za 2015. godinu ili dostavi valjan dokaz o reprogramu duga, što će biti definisano Pravilnicima po modelu poticaja proizvodnji, modelu ostalih vrsta podrški i modelu kapitalnih ulaganja“.

*Obzirom na gore navedeno, iniciram hitno pristupanje predloženim izmjenama i dopunama Pravilnik koje su u skladu sa Zakonom, a prije donošenja rješenja o novčanim podsticajima za 2016.godinu kako ne bi došlo u pitanje ostvarivanje prava na podsticaj jednom broju poljoprivrednih proizvođača među kojima je i KJP „Poljoprivredno dobro Butmir“ d.o.o. Sarajevo-Ilidža, što bi imalo izuzetno negativne posljedice na njegovo poslovanje u narednom periodu.*

S poštovanjem,

Sarajevo, 27.07.2016.godine

  
Mirza Čelik